

U R D H Ë R
Nr. 52, datë 29.4.2003

PER MIRATIMIN E UNIFORMËS SË POLICISË SË BASHKISË DHE TË KOMUNAVE

Në mbështetje të pikës 4 të nenit 102 të Kushtetutës së Republikës të Shqipërisë dhe nenit 14 të ligjit nr. 8224, datë 15.5.1997 “Për organizimin dhe funksionimin e policisë së bashkisë dhe të komunës”, ndryshuar me ligjin nr. 8335, datë 23.4.1998,

U R D H Ë R O J :

1. Miratimin e uniformës së policisë së bashkisë dhe të komunës, sipas modelit bashkëlidhur.
 2. Bashki dhe komuna të veçanta, nëse e gjykojnë të nevojshme, mund të propozojnë për miratim, uniformë të ndryshme nga modeli i mësipërm.
- Ky urdhër hyn në fuqi pas botimit në Fletoren Zyrtare.

MINISTRI I PUSHTETIT VENDOR
DHE DECENTRALIZIMIT
Ben Blushi

PËRSHKRIMI I UNIFORMËS

Uniforma do të jetë 4 llojesh
Uniforma e shërbimit veror
Uniforma e shërbimit dimëror
Uniforma e stërvitjes verore
Uniforma e stërvitjes dimërore
Uniforma ceremoniale (për skuadrën e ceremonive)

Nr	Artikulli	Përshkrimi
1	Xhaketa dimërore	Stof leshi blu i errët copë ushtarake, me fileto të kuqe përgjatë spaletave me 4 xhepa dhe me kopsa metalike të bardha.
2	Pantallona dimërore	Stof idem xhaketa
3	Kravata	Blu e mesme, sintetike, gjerësia max. 7-8 cm
4	Këmisha	Pambuku të kaltra me mëngë të shkurtëra
5	Spaletat (1 palë)	Dok i plastifikuar 6x9 cm, blu me kornizë të kuqe plastike, imitim thurje
6	Kapelja	Tip oficeri, blu e errët, me stemën e bashkisë/komunës në qendër me kopsa metalike si të xhaketës
7	Rripi i mesit+rrip krahëqafë	Model oficeri, prej lëkure, i bardhë me gjerësi 4.5-5 cm + kundërrrip krahëqafë me togzë metalike katrore
8	Shkopi i gomës	I bardhë, i pajisur me: Varësen për në dorë Varësen për në brez
9	Këllëfi i radios	Prej lëkure të bardhë idem rripi i mesit, tip universal
10	Prangat	Metalike të nikeluara
11	Këllëfi i prangave	Prej lëkure të bardhë idem rripi i mesit
12	Çantë dokumentesh	Prej lëkure të bardhë idem rripi i mesit, me rrip supi
13	Bilbil	Metalik i varur me zinxhir dhe me kapse. I gjithë i nikeluar
		Prej lëkure të zezë, me vend për kartën dhe distiktivin njohës

14	Tesera	
15	Këllëfi i pistoletës	Prej lëkure të bardhë idem rripi i mesit, madhësia pistoletë tip TT + i pajisur me varëse spirale
16	Këllëf karikatori	Prej lëkure idem rripi i mesit
17	Rrip mesi ushtarak sintetik komplet	Blu e errët me gjerësi 6 cm me togzë plastike. Kompleti përmban: Rripin Këllëfin e pistoletës Mbajtësen e prangave Mbajtësen e radios Varësen e shkopit të gomës
18	Doreza parade	Të bardha pambuku
19	Kordonat e paradës	Kordona ngjyrë argjendi të gërshetuara, me maja metalike të nikeluara
20	Shpata e paradës	Tip italian e nikeluar me varësi të argjenduara
21	Helmeta e paradës	E bardhë, model europian i policisë bashkisë/komunës
22	Uniformë stërvitje dimërore	Xhaketa prej doku blu dimëror, me fashë fluoreshente të bardhë në shpinë, me spaleta të hapshme, me brez llastiku, me kopsa metalike me sustë, me 4 xhepa, e përforcuar në bërryla. Pantallona doku idem xhaketa, me gjunjë të përforcuar
23	Berreta	Për uniformën e stërvitjes. Blu me stemën e bashkisë/komunës të thurur
24	Pulovër	Prej leshi blu të errët, me jakë V, me veshje të brendshme sintetike kundër shiut dhe erës, me përforcime doku në bërryla dhe supe, me spaleta doku dhe xhep të vogël
25	Xhup	Blu i errët, copë sintetike me veshje kundër shiut dhe erës, me xhup të brendshëm të zmontueshëm me mbushje puplash, me spaleta, me shirita fluoreshentë dhe me rrip mesi fluoreshent
26	Këpucët	Ushtarake, të zeza, me kambale
27	Distinktiv krahu	Stema e bashkisë/komunës me thurje dhe diciturën “POLICIA BASHKIAKE _____” ose “POLICIA E KOMUNËS _____” e vendosur në krahun e majtë
28	Distiktivi njohës	Metalik mbi xhepin e majtë të sipërm të xhaketës dhe përmban stemën e bashkisë/komunës dhe numrin personal

Shënim: Çdo njësi e qeverisjes vendore, sipas pika 6 dhe 27, në kapele dhe në krahun e majtë të xhaketës vendos emblemën e vet, të miratuar nga këshilli përkatës.